

ENFORMAZIUNS Y COMUNICAZIUNS

A düc chi co tin söla fede: Trec se recordarà che dan val' mënsc èl gnü dassënn perié che zacai fajess le curs por la Liturgia dla Parora, co gnea pitè a Bornech. Al ea les sabedes döt le dé, porchël n'à trec nia tomp da tó pert. I àn sën la gran ocajiun da fà na istruziun dla Liturgia dla Parora tlò Al Plan. Düc chi co ô conësce plü damprò ci che na Liturgia dla Parora è, o co ô odèi y emparé desche na te' liturgia vën tignida, o inçe chi co ô aprofondi temesc dla fede, è bel enviès da gnì en vëndres ai 2 de merz ales 20:00, te calogna baséte, por na pröma sèra de enformaziun. Al sarà con nos siur Sepl Granruaz. I enviun düc chi co à a cör la fede y le dagnì de nosta cöra da tó pert.

Jogn/1: Siur Sepl Granruaz acompagnëia la ploania d'Al Plan cina Pasca. Al oress encunté i jogn de nosta ploania. Jones y jogn è porchël enviès en jöbia al 1. de merz ales 8 da sèra te salf de calogna baséte. Al sarà na ocajiun por se conësce miù, mo inçe por se fà na picia ciacolada deboriada.

Jogn/2: Cöst' edema sarà le local dai jogn d'Al Plan davert en dédemesaledema ai 29 de forà dales 13:30 ales 15:30 y en sabeda ai 3 de merz dales 18:00 ales 22:30. Düc i jogn dai 11 ai 18 agn è enviès da gnì a passé le tomp lède deboriada pa na cartada, na partida a calceto, en film o n'atra ativité. I jogn y les jones ne mëss nia sté döt le tomp te local, mo ai po gnì y jì canche ai ô. Al è debann! Le Sorvisc ai Jogn s'aspeta!

Sorvisc ai Jogn: Le Sorvisc ai Jogn y le Raiun Sozial chir por le proiet „Isté deboriada 2012“ animadus/dësses co à arjunt la majera eté y co ess ligrèza da laoré con mituns dla elementara y passé adöm a d'èi en bel isté. Al vën inçe chir animadus de lingaz dla oma todësch o talian. Por enformaziuns plü monüdes pòn cherdé sö te Sorvisc ai Jogn al 0474/523070, dal lönesc al vëndres dales 8 ales 12 y dales 13 ales 17.

Senioren: Al vën motü sö en club de senioren co va a pè - spazier deboriada (Seniorenwanderclub). Cösc grup s'encunta vigne jöbia ales 14:30 dan la nodadoia, por jì en pèr d'ores deboriada a spazier en compagna. Le pröm iade è en jöbia al 1. de merz. An n'à nia bria da se prenoté.

Scolina: En dédölönesc ai 28 de forà dales 8:00 ales 10:00 vëgnel fat te scolina le dé dla porta daverta. Düc è bel enviès.

Prejentaziun: Düc è dër bel enviès ala prejentaziun dal liber de poesies de Teresa Palfrader, dal titul "Pontins y parores", en jöbia ai 8 de merz ales 6 da sèra, tal salf dal Istitut Ladin "Micurà de Rü" ta San Martin.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dédemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da descíarié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

1. Domëgna de Carsëma, ann B, ai 26.02.12 - nr. 14



“CONVERTISSE, Y CHERDEDE AL VAGNELE”

Dal vagnele dô San Merch, 1, 12-15

Te chël tomp ¹²a le Spirit condüt Gejù tal desert. ¹³Danlò è Gejù romagnü caranta dis alalungia y è gnü mené en tontaziun dal malan. Al viea pai tiers salvari, y i agni le sorvia. ¹⁴Dô ch'an à sciüré Jan te porjun, è Gejù endô jü tla Galilea; al encündà le vagnele de Dio ¹⁵y dijea: Le tomp è compli, le règn de Dio è damprò. Convertisse, y cherdéde al vagnele!

Parora dal Signur. - Lalt a té, Gejù Crist!


- 1. Letöra:** dal liber dla Gènesi, 9, 8-15
Salm 25 (24): "Móstreme, Signur, le tru dla vita!" - R
2. Letöra: 1. Lëtra de San Pire, 3, 18-22



Picia leziun dal Jiné

Jiné n'è nia demanco, Jiné è deplü: plü chît y pèsc, plü tomp por Chël Bel Dio y les porsones, plü amur y plü misericordia

SS. MESSAS Y FUNZIUNS DAI 26 DE FORÀ AI 4 DE MERZ



26.02 - 1. Domëgna de Carsëma

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por +nc Rubatscher - Erlacher
de renger. por la fam. Erlacher Tone y Martha

Lönesc 27.02 - Edema de Quatember: Amata, Iordan, Iazinta

7.25: S. Mëssa

de renger. por i 91 agn de vita

por +nc Feghile y Vittoria Rungger

por +nt Sergio Miano - Genziana

por +nta Notburga Erlacher Rindler, Berto

Dédölönesc 28.02 - dla 1a edema de Carsëma: Roman, Silvana, Elisabeth

7.45: S. Mëssa ia La Pli

17.00: VIA CRUCIS - Les Staziuns

Dédemesaledema 29.02 - dla 1a edema de Carsëma: Oswald

18.00: S. Mëssa

por +nc Tone y Monica Tolpeit

por +nc Pepi y Bia, Runch

por +nc Hanny, Vigile y Edith Palfrader

Jöbia 01.03 - dla 1a edema de Carsëma: David, Roger, Tarejia

17.00: VIA CRUCIS - Les Staziuns

Vëndres 02.03 - Pröm Vëndres dal mëns: Karl, Agnes

7.10: S. Mëssa

por les Püres Animes

dai scolari

por +nc dla fam. Franz y Angela Kaneider

Sabeda 03.03 - Pröma Sabeda dal mëns: Cunigunda, Friedrich, Tobias

17.00: Poscibilitè da se pissié

18.00: S. Mëssa

por +nt Isidor Castlunger da Grones

por +nt Paul Obojes de Gorghe



Oferta por la Ploania

04.03 - 2. Domëgna de Carsëma

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por +nt Giuliano Alessandri

por +nta Rosina Mutschlechner dal Bagn

por +nt Otto Trebo de Pire


Stimada comunité, l'orar dles mësses romagnarà ennant le medemo desche al è sté cina sën. Siur Sepl Granruaz è te nosta ploania da cöst'edema ennant, dagnora dala jöbia al lönesc. Le dédemesaledema vëgnel en ater preo a di mëssa. I enviun da tó pert incé ales Staziuns, le dédölönesc y la jöbia.

LA MORT DLA PLOANIA

Söi mürs y sön i folieç èl en iade en sinserat da mort dër demorvëia: "Con gran dolor anunziunse la mort dla ploania de Sant'Antone. La sopoltöra sarà en domëgna ales 11.00".

La domëgna ea la dljia de Sant'Antone sambën tocia y plëna. Mai n'èl sté tan de jont. Al n'ea gnanca plü en post lëde, gnanca en pè. Dan alté èl en scrin de lën scür. Le preo â baie dër sciomp! "I n'arati nia che nosta ploania pòi endò rosseri, mo dal momont che i sun feter düc atlò, ôi ciamó la proé en iade. I oress che düc os passàsses dan scrin ia a ti dé na ultima vidlada ala defunta. I jarëis önn al iade, y dô ch'i arëis ciaré la defunta, jarëise da üsc de sacrestia fora. Chê co ô, po dedò endò gnì da gran üsc ete por sté a mëssa".

Le ploan daoria sò le scrin: düc cancé se damanà: "Chê saràl mo mai te chël scrin? Èl mo davëi en defunt lëite?". La jont jea plan plan cuntra le



scrin. Vignönn ciarâ ete y s'an jea spo da üsc fora bel chitamoner y con en pü'de morvëia y en sontimont de confujiun. Deache düc chi co ciarâ ete odea sön funz de scrin en spidl, y so müs se spidlâ lëite. (Bruno Ferrero)

La ploania sunse düc nos, y al depënn da nos sce ara vir ennant!

SORVISC DAI MINISTRONE

Domëgna 26 de forà - 10.00: Daniel y Luca Comploi, Daniel Piazza, Herbert Piazza, Gabriel Ties, Melanie Ties; Domëgna 18.00:

Asia y Mara Rungger, Elena Ties, Paula y Veronika Erlacher, Anna

Chierchia; Lönesc (7.25), Dédemesaledema (18.00) y Vëndres (7.10): Maria Huber, Max Palfrader; Dédölönesc y Jöbia ales 17.00 (Staziuns): Mike Kaneider, Simon Obwegs,

Andrea Obwegs; Sabeda 18.00: Lucia, Peter y Martina Obwegs, Jan, Max y Vanessa Obwegs; Domëgna 4 de merz - 10.00: Daniel Borroni, Maira Call, Anita Castlunger, Esther Comploi, Samuel Castlunger, Aron Rungger; Domëgna 18.00: Maira Call, Jan Erlacher, Martina Kaneider, Rebecca y Filippo Kastlunger, Angelo Marku.



AODANZES



La comunité d'Al Plan ti aoda döt le bun, sanité y benedisciun ai geniturs Janpaul Comploj y Natalie Hochwieser por la nasciüda de picio MATTHIAS. (Bato ia La Pli)